

दाहुः । यद्यज्ञमुखे-यज्ञमुखे जुहुयात्पशुभिर्व्यृधेत पापीयान्स्यात्सकृदेव होतव्या
न पशुभिर्व्यृधते न पापीयान्भवत्यष्टाचवारिंशतं जुहोत्यष्टाचवारिंशदक्षरा ज-
गती जागताः पशवो जगत्यैवास्मै पशून्वरुन्द्वा एकमतिरिक्तं जुहोति तस्मादेकः
प्रजास्वर्धुकः ॥ ८ ॥ ब्राह्मणम् ॥ ३ ॥

प्रजापतिरश्वमेधमसृजत । सोऽस्मात्सृष्टः पराङ्मत्स दिशोऽनुप्राविशत्तं देवाः
प्रेषमैहंस्तमिष्टिभिरनुप्रायुञ्जत तमिष्टिभिरन्वैहंस्तमिष्टिभिरन्वविन्दन्यदिष्टिभिर्यजते
ऽश्वमेव तन्मेधं यजमानोऽन्विहति ॥ १ ॥ सावित्र्यो भवन्ति । इयं वै सविता
यो वाऽश्रस्यां निलयते योऽन्यत्रैत्यस्यां वाव तमनुविन्दन्ति न वाऽइमां कश्चन
तिर्यङ्गोर्ध्वोऽत्येतुमर्हति यत्सावित्र्यो भवत्यश्वस्यैवानुवित्यै ॥ २ ॥ तदाहुः । प्र वा
ऽएतदश्वो मीयते यत्पराङ्मत्स न ह्येनं प्रत्यावर्तयन्तीति यत्सायं धृतीर्जुहोति क्षे-
मो वै धृतिः क्षेमो रात्रिः क्षेमेणैवैनं दाधार तस्मात्सायं मनुष्याश्च पशवश्च क्षे-
म्या भवत्यथ यत्प्रातरिष्टिभिर्यजतऽइह्येवैनं तत्तस्माद्दिवा नष्टैष एति यदेव
सायं धृतीर्जुहोति प्रातरिष्टिभिर्यजते योगक्षेममेव तद्यजमानः कल्पयते तस्माद्य-
त्रैतेन यज्ञेन यजन्ते क्लृप्तः प्रजानां योगक्षेमो भवति ॥ ३ ॥ ब्राह्मणम् ॥ ४ ॥

अप वाऽएतस्मात् । श्री राष्ट्रं क्रामति योऽश्वमेधेन यजते यदा वै पुरुषः
श्रियं गृह्णति वीणास्मै वाद्यते ब्राह्मणौ वीणागाथिनौ संवत्सरं गायतः श्रिये
वाऽएतद्रूपं यद्दीणा श्रियमेवास्मिंस्तद्वत्तः ॥ १ ॥ तदाहुः । यदुभौ ब्राह्मणौ गाये-
तामपास्मात्क्षत्रं क्रामेद्ब्राह्मणो वाऽएतद्रूपं यद्ब्राह्मणो न वै ब्रह्मणि क्षत्रं रमत
ऽइति ॥ २ ॥ यदुभौ राजन्यौ । अपास्माद्ब्रह्मवर्चसं क्रामेत्क्षत्रस्य वाऽएतद्रूपं यद्वा-
ज्जन्यो न वै क्षत्रे ब्रह्मवर्चसं रमतऽइति ब्राह्मणोऽन्यो गायति राजन्योऽन्यो
ब्रह्म वै ब्राह्मणः क्षत्रं राजन्यस्तदस्य ब्रह्मणा च क्षत्रेण चोभयतः श्रीः परिगृही-
ता भवति ॥ ३ ॥ तदाहुः । यदुभौ दिवा गायेतां प्रभ्रंशुकास्माद्ग्रीः स्याद्ब्राह्मणो